

OKVIRNI SPORAZUM
JAVNA NABAVKA USLUGA OGLAŠAVANJE U BiH (OFFLINE i ONLINE)
LOT 3 OGLAŠAVANJE NA WEB PORTALU [RADIOSARAJEVO.BA](https://radiosarajevo.ba)

I UGOVORNE STRANE

Zaključen dana 29.08.2022. godine u prostorijama Ugovornog organa u ulici Dalmatinska 2/IV, Sarajevo između sljedećih ugovornih strana:

TURISTIČKA ZAJEDNICA KANTONA SARAJEVO

Sjedište: Branilaca Sarajeva 2, 71000 Sarajevo

Adresa za korespondenciju: Dalmatinska 2/IV, 71000 Sarajevo

Koju zastupa Predsjednik [REDACTED]

ID broj 4202315720008

(u daljem tekstu: Ugovorni organ)

i

ZID d.o.o. SARAJEVO

Sjedište: Musala 5/II, 71000 Sarajevo

Kojeg zastupa [REDACTED]

ID broj: 4200664580008

(u daljem tekstu: Pružalac usluga)

II - PREDMET OKVIRNOG SPORAZUMA

Član 1.

Predmet ovog Okvirnog sporazuma je javna nabavka usluga, oglašavanje Ugovornog organa na web portalu radiosarajevo.ba, provedenog putem otvorenog postupka javne nabavke, objavljenog na Portalu javnih nabavki br. obavještenja 19294-1-2-29-3-22/22 od 26.07.2022. godine, a prema ponudi Pružaoca usluga za Lot 3 br. 118-08/22 od 12.08.2022. godine, koja je zaprimljena na protokolu Ugovornog organa pod br. 915-7/22 dana 16.08.2022. godine.

Ponuda Pružaoca usluga br. 118-08/22 od 12.08.2022. godine je osnov za zaključenje Okvirnog sporazuma i čini sastavni dio istog.

Član 2.

Pružalac usluga se obavezuje da će usluge, oglašavanje Ugovornog organa na web portalu radiosarajevo.ba, izvršavati sukcesivno, u skladu sa konkretnom narudžbom Ugovornog organa, svojom ponudom i specifikacijom iz tenderske dokumentacije.

III - UKUPNA VRIJEDNOST NABAVKE

Član 3.

Ugovorne strane su saglasne da ukupna vrijednost predmeta nabavke iznosi 24.948,15 KM bez PDV, odnosno 29.189,34 KM sa PDV-om.

U cijenu su uračunati svi pripadajući troškovi neophodni za realizaciju Okvirnog sporazuma o javnoj nabavci i sve obaveze u skladu sa zakonskim propisima u BiH.

Član 4.

Jedinične cijene date u Ponudi su fiksne i nepromjenjive u toku cijelog perioda trajanja ovog Okvirnog sporazuma, i to:

- Iz Obrasca za cijenu ponude Pružaoca usluga:

Red. br.	Opis usluge	Jedinica mjere	Količina	Jedinična cijena bez PDV-a	Ukupna cijena bez PDV-a
1.	Rotirajući banner Doublebillboard 960x250 px (desktop) i 320x100 px (mobile)	Prikazivanje	558.350	0,012	6.700,20
2.	Ad break loading - full scream mobile	Prikazivanje	300.000	0,025	7.500,00
3.	Run On Site (300x50; 36x280; 970x250; 300x600)	Prikazivanje	500.000	0,010	5.000,00
4.	Promotivni članak istaknut na naslovnici web portala (3 dana)	Objava	22	600,00	13.200,00
VRIJEDNOST PONUDE (bez PDV-a)					32.400,20
POPUST - 23%					7.452,05
UKUPNA VRIJEDNOST PONUDE SA POPUSTOM (bez PDV-a)					24.948,15

- Nakon preračuna u skladu sa ponuđenim popustom:

Red. br.	Opis usluge	Jedinica mjere	Količina	Jedinična cijena bez PDV-a	Ukupna cijena bez PDV-a
1.	Rotirajući banner Doublebillboard 960x250 px (desktop) i 320x100 px (mobile)	Prikazivanje	558.350	0,00924	5.159,15
2.	Ad break loading - full scream mobile	Prikazivanje	300.000	0,01925	5.775,00
3.	Run On Site (300x50; 36x280; 970x250; 300x600)	Prikazivanje	500.000	0,0077	3.850,00
4.	Promotivni članak istaknut na naslovnici web portala (3 dana)	Objava	22	462,00	10.164,00
VRIJEDNOST PONUDE (bez PDV-a)					24.948,15
POPUST					0,00
UKUPNA VRIJEDNOST PONUDE SA POPUSTOM (bez PDV-a)					24.948,15

IV - USLOVI I NAČIN PLAĆANJA

Član 5.

Ugovorni organ se obavezuje da će plaćanje izvršiti na osnovu zaprimljene pojedinačne fakture Pružaoca usluga u roku od 30 (trideset) dana od dana prijema fakture, a nakon izvršene usluge, na transakcijski račun Pružaoca usluga. Ispostavljene fakture moraju u cjelosti biti u skladu sa ponudom Pružaoca usluga.

Kao dan prijema fakture računa se dan kada je ista zaprimljena na protokolu Ugovornog organa.

V NAČIN I ROK ISPORUKE

Član 6.

Potpisivanjem ovog Okvirnog sporazuma, Ugovorni organ se ne obavezuje na nabavku utvrđenih okvirnih količina u cjelosti ili vrijednosti. Realizacija isključivo zavisi od stvarnih potreba Ugovornog organa, te će Ugovorni organ u skladu sa članom 32. Zakona o javnim nabavkama zaključivati pojedinačne ugovore sa stvarnim količinama tokom trajanja ugovornog perioda.

Pružalac usluga se obavezuje da će predmetne usluge za potrebe Ugovornog organa izvršavati sukcesivno u skladu sa konkretnom narudžbom Ugovornog organa, bez prava i ovlaštenja da diktira ili uslovljava obim izvršenja ovog Okvirnog sporazuma.

Pružalac usluga se obavezuje da će sve materijale za objavu primljene do 12:00 sati, odnosno uz najavu do 15:00 sati, tekućeg dana, objaviti u prvom narednom izdanju ili u terminu naznačenom u pojedinačnom ugovoru ili narudžbenici.

Član 7.

Ugovorni organ vrši nabavku usluga prema specifikaciji i ponuđenim cijenama iz obrasca za cijenu ponude iz tenderske dokumentacije, koji su sastavni dio ovog Okvirnog sporazuma.

Ugovorne strane su saglasne da će ugovorene cijene iz obrasca za cijenu ponude, ostati nepromjenjene za vrijeme trajanja ovog Okvirnog sporazuma.

VI - KAZNE NE ODREDBE

Član 8.

U slučaju kašnjenja u pružanju usluga do kojeg je došlo krivicom Pružaoca usluga, isti će platiti ugovornu kaznu u skladu sa Zakonom o obligacionim odnosima u iznosu od 1% vrijednosti usluge za svaki dan kašnjenja do urednog ispunjenja, s tim da ukupan iznos ugovorene kazne ne može preći 10% od ukupno ugovorene vrijednosti usluga po ovom Okvirnom sporazumu.

Pružalac usluga je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Ugovornog organa, u protivnom će Ugovorni organ umanjiti fakturu za navedeni iznos.

Ugovorni organ neće naplatiti ugovorenu kaznu ukoliko je do kašnjenja došlo usljed više sile.

Pod višom silom se podrazumijeva slučaj kada ispunjenje obaveze postane nemoguće zbog vanrednih vanjskih događaja na koje Pružalac usluga nije mogao uticati, niti ih predvidjeti.

Ukoliko Pružalac usluga na bilo koji način neuredno ispunjava ugovorene obaveze, a naročito u pogledu kvaliteta i kontinuiteta, ili u slučaju da Pružalac usluga uopšte ne pristupi realizaciji ovog Okvirnog sporazuma, Ugovorni organ će raskinuti ovaj Okvirni sporazum i poduzeti pravne radnje u skladu sa zakonom, sa pravom naknade troškova mogućeg nastanka štete zbog neispunjenja ugovorenih obaveza.

VII - STUPANJE NA SNAGU I TRAJANJE OKVIRNOG SPORAZUMA

Član 9.

Ovaj Okvirni sporazum stupa na snagu danom obostranog potpisivanja od strane ovlaštenih lica ugovornih strana i zaključuje se na period od **7 (sedam) mjeseci**, počev od dana obostranog potpisivanja istog.

Okvirni sporazum se primjenjuje na period 7 (sedam) mjeseci od dana stupanja na snagu ili do potpunog utroška sredstava iz člana 3. ovog Okvirnog sporazuma, zavisno od toga koja od ove dvije okolnosti prva nastupi.

VIII - POVJERLJIVOST

Član 10.

Pružalac usluga se obavezuje da podatke dobijene u toku realizacije ovog Okvirnog sporazuma, kao i nakon prestanka njegovog važenja, neće staviti bilo kome drugom na raspolaganje ili uvid osim Ugovornom organu, te da iste neće koristiti samostalno bez prethodne pismene saglasnosti Ugovornog organa.

Ugovorne strane i njihovo osoblje ne mogu za vrijeme trajanja ovog Okvirnog sporazuma, kao i nakon prestanka njegovog važenja, u skladu sa zakonom, objaviti nikakvu povjerljivu informaciju koja se odnosi na zadatak ovog Okvirnog sporazuma ili poslovanja ugovorenih strana, bez prethodne pisane saglasnosti ugovornih strana.

IX - RASKID OKVIRNOG SPORAZUMA

Član 11.

Pravo na raskid ovog Okvirnog sporazuma zadržavaju obje ugovorne strane u slučaju da jedna od ugovornih strana ne ispunjava svoje ugovorene obaveze, s tim što su obavezni da o svojoj namjeri u pisanoj formi obavijeste drugu ugovornu stranu najmanje u roku od 15 (petanaest) dana unaprijed.

Ugovorni organ jednostrano raskida Okvirni sporazum u sljedećim okolnostima, ako:

- a) Pružalac usluga ne izvrši neku od ugovorenih obaveza i nakon pismenog upozorenja Ugovornog organa;
- b) Pružalac usluga ne ispuni obavezu u roku nevedenom u zahtjevu Ugovornog organa;
- c) Pružalac usluga realizuje usluge suprotno prihvaćenoj ponudi i narudžbi Ugovornog organa.

Pružalac usluga jednostrano raskida Okvirni sporazum u sljedećim okolnostima, ako:

- a) Ugovorni organ ne ispuni obavezu plaćanja za izvršene usluge Pružaoca usluga, u navedenom roku.

X - ZAVRŠNE ODREDBE

Član 12.

Svaka radnja Ugovornog organa i Pružaoca usluga koja je predviđena ovim Okvirnim sporazumom može biti obavljena, dogovorena ili koordinirana od strane imenovanih ovlaštenih predstavnika:

- a) U ime Ugovornog organa zaposlenici Adisa Kušundžija i Emina Nizić;
- b) U ime Pružaoca usluga Aldin Kulić.

Član 13.

U skladu sa članom 72. stav (6) Zakona o javnim nabavkama BiH, Pružalac usluga nema pravo zapošljavati, u svrhu izvršenja ovog Okvirnog spprazuma fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za javne nabavke, najmanje 6 (šest) mjeseci po zaključenju ovog Okvirnog sporazuma, odnosno od početka realizacije istog.

Član 14.

U skladu sa ovim Okvirnim sporazumom, Ugovorni organ i Pružalac usluga će zaključivati pojedinačne ugovore, prema potrebama Ugovornog organa, a u okviru predmeta nabavke iz člana 1. i iznosa iz člana 3. ovog Okvirnog sporazuma, pri tome ne mijenjajući bitne uslove ovog Okvirnog sporazuma.

Član 15.

Ugovorne strane će uložiti maksimalne napore da u duhu dobrih poslovnih odnosa i uzajamnog povjerenja riješe sve eventualne sporove koji se pojave u vezi sa ovim Okvirnim sporazumom ili njegovom implementacijom.

U slučaju da se Okvirni sporazum između ugovorenih strana u vezi sa ovim Okvirnim sporazumom ne može sporazumno riješiti, isti će se povjeriti na rješavanje stvarno nadležnog suda u Sarajevu.

Član 16.

Na pitanja koja nisu regulisana ovim Okvirnim sporazumom, a pojave se prilikom realizacije, primjenjivat će se odredbe Zakona o obligacionim odnosima.

Član 17.

Ovaj Okvirni sporazum stupa na snagu danom potpisivanja ugovornih strana, a sastavljen je u 4 (četiri) istovjetna primjerka, od kojih je Pružaocu usluga uručen 1 (jedan) primjerak, dok su ostali su zadržani za potrebe Ugovornog organa.

ZA UGOVORNI ORGAN
Turistička zajednica Kantona Sarajevo

Predsjednik

ZA PRUŽAOCA USLUGA
ZID d.o.o.

Direktor

Broj: 915-46/22

Datum: 29.08.2022. godine

Datum: 05.09.2022.